

SCRIPT OF MORNING GOJRI NEWS BULLETIN 21APRIL 2025

1015HRS

مارننگ گو جری نیوز بلیٹن مورخہ 21 اپریل 2025

یوہ آکا شوانی جموں ہے محبوب سلطانہ تیں خبر سُنو۔

RAMBAN RESCUE

رام بن ضلع مانہ بادل پھٹن تے پسی پے جان توں بعد راحت تے بچاؤ کاروائی آج دوجے تہاڑے وی جاری ہے واضع رہ جے موسم خراب ہون لگاتار بارش ناس تے اچانک سیلاب نے پارا علاقہ مانہ خاصو نقصان کیو ہے جس مانہ ترا افراد بشمول ۲ بچہ تے اک بزرگ فوت وی ہو گیا ہیں جدکہ خاصی تعداد مانہ لوکاں نانہ بچالیو گیو ہے۔ ڈپٹی کمشنر بصیر الحق چودھری غی سربراہی مانہ ضلع انتظامیہ نے صورتحال ور نزدیکی نظر رکھی وی ہے اس سلسلہ مانہ پولیس قدرتی آفات سنگ نمڑن وسطے قومی تے ریاستی دستاں یعنی این ڈی آر ایف فوج تے غیر سرکاری تنظیمان کی طرفوں راحت تے بچاؤ گو کم کاج جاری ہے۔

ARMY ASSITANCE

بھارتی فوج کی طرفوں رام، بن مانہ بھسیا واں مسافراں نانہ انسانی مدد دتی جارہی ہے اس سلسلہ مانہ فوج نے سول انتظامیہ سنگ دل گے فوری کاروائی کرتا مانہ متاثرہ افراد نانہ کھان پین طبی امداد تے بنیادی سہولت فراہمکی ہے فوجی جوانان نانہ اس دوران کی اس مشکل ویلے مانہ دلجوئی کرتا تے اُن کی خیریت گو خیال رکھتا مانہ وی دیکھیو گیو ہے اس موقع ور مرکزی وزیر مملکت ڈاکٹر جتندر سنگھ نے بر وقت کاروائی ور فوج کی سرینا کی تے متاثرہ لوکاں کی فلاح و بہبود نانہ یقینی بنان ور اُن گو شکریو ادا کیو۔

DY CM RAMBAN

نائب وزیر اعلیٰ سریندر کمار چودھری نے رام بن مانہ بدل پھٹن کی وجہ توں ہوئی ترے افراد کی موت نانہ افسوسناک قرار دتو ہے اُنہاں نے متاثرہ گنہ نانہ ہر ممکن مدد کی یقین دہانی کروائی ہے متاثرہ علاقہ نے حالات گو جائیزو لیو تے مقامی لوکاں سنگ گل بات وی کی۔ اُنہاں نے کہی و جے حکومت متاثرہ افراد کی مدد واسطے ہر ممکن کوشش کرے گی۔ تے اس دوران اُنہاں نے حکام نانہ بھالی گا کم کاج مانہ مزید تیزی لیانبارے وی ہدایت دتی۔

DAR FARMERS LOSS

کھیتی باڑی تے دیہی ترقی گ اوزیر جاوید احمد دار نے حالیہ بارشاں تے ناس کی وجہ توں جموں کشمیر مانہ فصلان تے باگان مانہ ہوا نقصان ور تشویش گو اظہار کیو ہے اُنہاں نے زرعی تے باغبانی محکماں نانہ ہدایت جاری کرتا مانہ کیو جے ضلع انتظامیہ غے نال رل گے فوری نقصان گو جائیزو لیو جے وزیر موصوف نے اصل جانکاری دین ور زور پایو تانجے ویلے سر مدد دتی جاسکے تے کسانان نانہ یقین دہانی کراتا مانہ کیو جے عمر عبداللہ کی قیادت آلی حکومت کسان برادری گے نال کھلی وی ہے تے اُن گا مسائل تے نقصان نانہ حل کرن واسطے مناسب قدم چایا جیں گا۔

SCHOOL CLOSED

خراب موسم گے چلتیں جموں کشمیر انتظامیہ نے اچ ۱۲ اپریل ۲ ہزار ۵۲ نانہہ رام بن تے ڈوڈہ ضلع مانہہ تمام سرکاری تے نجی تعلیمی اداراں نانہہ بند رکھن گو اعلان کیو ہے یوہ فیصلو حالیہ بارشاں تے پسی پین گے چلتیں احتیاطی طور ور کیو گیو ہے اس سلسلہ مانہہ ضلع انتظامیہ غی طرفوں لوکاں نانہہ کھراں مانہہ رہن تے غیر ضروری سفر تو پر ہیز کرن بارے کیو ہے۔ اس سلسلہ مانہہ بھارتی محکمہ موسمیات نے جموں کشمیر کُجھ علاقاں مانہہ بجلی کڑکن سنگ بارش ہون تے تیز ہوا چلن گی پیشن گوئی کی ہے۔

HIGHWAY UPDATE

جموں سرینگر قومی شاہراہ نانہہ رام بن مانہہ زمین کھسکن پسی پین تے پتھر آن گی وجہ توں بند رکھیو گیو ہے قومی شاہراہ بارے اتھارٹی کا پروجیکٹ ڈائریکٹر پرشوتم کمار نے آکھوانی نیوز نانہہ دسیو ہے جے بحالی گا کم کاج مانہہ کھٹ ہفتولگ سکے کیو جے ۰۱ کلو میٹر توڑی یو ملبو پھیلو وہ ہے ٹریفک حکام گے مطابق اچ دس بجے توں بعد شوپیاں آلا رستہ مگل سڑک ور جموں جان آلی گڈیاں نانہہ اجازت دتی جے گی جدکہ قومی شاہراہ ور کسی وی طرح گی نقل وحرکت گی اجازت نہیں ہے۔

ITOO EDUCATION

وزیر تعلیم سکتہ اتو نے پچھلے تہاڑے اک میٹنگ غی صدارت کرگے سمرگہ شکشا گی کاکردگی گو جائیزو ليو ہے اس دوران انہاں نے تمام پروجیکٹاں نانہہ متھی وی مدت اندر پورو کرن رقم غو مناسب استعمال کرن تے ٹینڈرینگ گا عمل مانہہ شفافیت ور زور پایو وزیر موصوفہ نے ہدایت جاری کرتا مانہہ کہیو جے بلیکلسٹ کمپنیاں نانہہ کسے وی طرح گو کم آلاٹ نہیں کیو جانو چاہیے تے انہاں نے قبائلی بچاں خصوصی ضروریات آلا بچاں تے نچاں واسطے شمولیتی تعلیم ور وی زور پایو۔ اس میٹنگ گے دوران انہاں نے کیو مہارو مقصد ہے جے کوئی وی بچو تعلیم توں بغیر نہ رے محترمہ سکینہ اتو نے بکھ بکھ محکماں بشکار تال میل تے نگران کمیٹی بنان بارے وی کیو۔

IGP AKHNOOR VISIT

جموں کشمیر پولیس غا جموں زون گا آئی جی پی بھیم سین ٹوٹی نے جموں سانہہ کٹھوعہ رینج گا ڈی آئی جی سنگ اکھنور سیکٹر گو دورو کرغے سرحدی تیاریاں گو جائیزو ليو ہے اس دورہ گے دوران اُن گے نال پولیس گا سنئیر افسر تے سرحدی حفاظتی دستاں یعنی بی ایس ایف گا افسر وی موجود تھا اس سلسلہ مانہہ آئی جی پی موصوف نانہہ موجودہ ویلے اندر چایا گیا تمام اقدامات بارے تفصیلی جانکاری دتی گئی جناب بھیم سنگھ ٹوٹی نے گرائی دفاعی گروپ وی ڈی جی نانہہ مزید مضبوط بنان تے انہاں نانہہ سرحدی حفاظتی دستاں گے نال تربیت دین ور زور پایو اس دوران لوکاں نال میل جول تے دراندازی آلا رستہ ور نگرانی بارے وی گل بات کی گئی تانجے خطہ مانہہ تمام حفاظتی دستاں بشکار تال میل نانہہ بہتر بنایو جاسکے۔
